

四庫全書

集部

欽定四庫全書

集部

天下同文集卷

四十三至
五十

詳校官中書

臣呂光復

助教臣常循覆勘

總校官進士

臣朱鈐

校對官編修

臣于鼎

謄錄監生

臣錢黃熙

欽定四庫全書

天下同文集卷四十三

元 周南瑞 編

詩

絕句

劉辰翁

江柳長天草色齊
新晴何物不芳菲
無因化作千蝴蝶
西蜀東吳款款歸

初晴

初日入高樓
歸雲雜江樹
魚游新雨晴
鳥語晨光吐
天

容起復覩烟色轉輕素牆花麗車前巷溝映泥路牕明
祛宿潤礎泣滑微步會朝有宿客過午無來屨沿砌上
苔衣虛庭竿犢袴人生足無事世故非所慮彼語吾不
聞清風有時度

戲題

無人知坦腹水影半簾苔驚謂青蟲墮垂絲忽上來

觀絮

新燕池塘綠雨肥初晴未暖日光微角巾猶帶花梢濕

纔倚闌干見絮飛

山行雨中

雨行如漏篷側身半車中
風翻荷葉白難可為芙蓉向
來三重茅仰屋嘆穿空已經離亂苦志念常從容

又

入城過新雨路靜市人稀
吾家林塘間水鴨狂欲飛
門闌稚子笑隔樹見翁歸
何人無此樂顏暮樂知希

春歸

留春一日不可種樹十年未成芳草斷腸花落綠牕攜
手鶯聲

夜雨

夜半起雷車天門報曉衙何消如此雨又有未開花綉
被人中酒茅簷客夢家一晴天地濶稽首見重華

漁歌效陳自堂作

石頭城落淮水劉郎浦對伍洲越沼吳湖安在月明人
唱湖州

寄王憲使立夫

姚燧

庭樹生秋風炎熾奪如失小蟲鳴嚶嚶高隼飛歛歛緬
懷素心人若髮未忘櫛百年能幾見過眼徂電疾而君
有官事出言千里律何暇喜從音情與逃空一昨因趙
卿至戒遣書新述篇軸不害多無憚費紙筆且約來北
州罇酒留十日晴天逼佳夕共看華月出非不思餘論
門無一親即吾私如汲車已脫復縈繙晚菰生待種蚤
稻行可銍少須黃花發秋風亦蕭瑟倒冠獨山巔茲遊

或能必

次韻閻子濟

我友宋僉憲頗聞思湘中每云所遇奇未易言說窮崇
蘭春風花巖桂秋露叢三年一官內身在香國東朝航
汨羅波翻雲海日紅暮捐岳麓寺蒼烟樓觀隆喧喧名
都邑百貨聚商工何時訪君遊盡歷西南雄

又

霜水收風濤江船穩歸路唯應江間月照汝來往屢長

沙隔南雲尚飽艱險趣天涯念棊錯睽濶皆舊故新知
苟會心何必懽有素黃鐘未懸業衆目齊瓦釜大音故
希聲欲說難至戶況我言毛輶誰復聽其句所恃君盛
年學仕猶未暮文人重道義自足輕外驚觀今紛華儔
愜喜隨一芋願終藏山書榮於鹿眠賦

寄徐中丞容齋

李侯安慶來遭君江間拖問云歸湍水示聲偶及我自
揆衰鈍質舊學日兼墮百事於大賢資取無一頗始疑

逢蒙弓亦有虛發，竒終知匠石斧材不捐瑣瑣增慚失。
喜餘背覺芒刺，荷平生聲相接。睥睨見未可，文字親友
間。屢得觀藻火，況聞間世故。盤走夜光顆，仰止高山思。
願並餘子夥，厯推天日行。蟻右風輪左，吾徒不相值。其
故政此坐，何時廣陵遊。傾蓋願終果。

同柳山和尚登落星寺

抵掌女媧前功，捐鍊石力盡還。實天怒飛十有八萬里，
擲陷彭蠡三重淵。藏山於澤，信有力。愚公欲移重萬肩。

黃家亞父更癡絕漫向麟史求何年安知自分牛斗躔

天穴上當匡廬顛銀河一塞

闕

至今飛流掛長川

我來正逢槐火節艤磯少繫東吳船相攜詩僧上佛閣
箕踞對酒談其然渠聞古橋若自失子辨乃出鄒衍前
無書太古何所得為言烏有先生傳

荅葦歎

瀕江不可禾歲惟葭葦茁青林無端倪永與江水匹由
為薪蒸時責以租賦出園人誠貪夫苞苴黃金鎡暮夜

鑽權倖入牒妻子質輸課或未償沒之良不卹他家皆
辦為得者皆富室秋風霜露落百穀時已實處處傭千
夫豚酒健力鉅稠載向城市官外私羨溢遺寄狼籍陳
入者必見叱或因取束緼隨以盜採律春風將新萌剪
伐未十七下策付一炬炎火赤天日坐視煨燼空不丐
民貧疾因推是為心可見無仁術周官衡虞置為法未
爾密亦已開利源千年誰能窒

雨歸

彭元遜

我行方旬浹禾生已扶疎蛙鳴滿阡陌水中有游魚萬
物不知長我還安得歸好風時時來拂我几上書癡兒
習晏起飽飯亦有蔬爾不念稼穡不學將何如

種牽牛

開門見微雨傍竹種牽牛未有歸田日開花且及秋

江上

飲啄畏途迫農商生理微山寒行旅急江晚渡人稀老
樹秋仍立饑鷹夜自歸儒冠空得誤無復舊戎衣

得微雨行視新種松子

春雨種松子秋風吹樹苗微生同度世千歲聽干霄草
木慈心長蟲魚惡念消暮年容晏坐羽葆衆山朝

夜雨

黃葉委門巷暮歸村徑荒寒兼山外合聲與夜深長雞
老聽風雨鷹饑夢雪霜畏人疎嗜酒俯仰失周防

歲晏

歲晏憐童稚村荒愧老夫牛羊各有主鳥雀自相呼橋

雪昏迷選山風夜擁爐白雲歸落木無復共窮途

春雁

年年見來往處處隔悲懽羈旅偏憐客飄飆復過寒飛
遲先遠喚聞近亟相看未有清明雨天長羽翮乾

登華山

天涯俱得歲嶺外闌無人空濶浮元氣蒼寒接上春波
濤容一旅風日照遺民俯仰乾坤在悠悠寄老身

夜歸菴中

御風旬五日數數記山扉野度中流黑農談隔樹微枯
稗罷世故絡繹動天機露足燈前坐城中洗鉢歸

山中夜起

征鴻中夜行何不就我宿山深金氣壯明月何肅肅鳥
獸四無聲虎狼卧空谷星河落樹外龍蛇散平陸區區
平生心無以少自贖

次韻會孟惜別

蟋蟀有幽意早催寒女機村春聞雨飽客袂見秋歸飄

泊寧堪別懽娛自欲稀長年加愛惜涼冷近房闌

客居

口腹勤天地客居何所操田園催麥李風日過櫻桃鶯
起青梅落風回亂絮高草心空自老老去自劬勞

清都館

上帝高居擁絳霄人間宮館故漂搖海山自隔蒼涼日
章水空來寂寞潮誰見赤書持浩刼時通羽蓋集陽寥
衰年無路披丹悃下有巫陽不盡招

擣衣曲

盧 朔

昨夜砧聲忙今朝聲較緩停手拭淚痕不教老姑見

病中有省

示疾得高眠歲月委一榻驀然有會意言不待問答病
是檢身方睡即出世法竹風語我來時時一蕭颯

二恨

讀書恨無書鄰非東魯家對客恨無酒黃墟頗難賒青
鞋共短策請謁山翁茶向來禹稷事悠悠在桑麻一笑

復何說新春天日佳去年醉西塢曾約小桃花

花信

櫻桃新買試單初團扇胡姬笑倚壚曾被棟花風信誤
春衫未可典春酤

天下同文集卷四十三

欽定四庫全書

天下同文集卷四十四

元 周南瑞 編

詩

古樂府

趙 文

上之回

武帝元封初因之雍遂通回中道後數臨

幸焉

動皇輿回中道龍為驅虎為導樂蕃釐祠雍後息甘棠

飲天酒淡穠清冰熱惱四裔服咸稽首臣三祝皇萬壽

有所思

古樂府有所思後半篇殊不可解畧改正之

有所思乃在大海南何用贈遺君雙珠璫瑁簪聞君有
他心當風燒之揚其灰從今已往勿復相思勿相思又
相思秋風動薄帷心思君兮君不知

公無渡河

公無渡河或作箜篌引朝鮮津卒霍里子
高妻麗玉所作也高晨起刺船有白首狂
夫被髮提壺亂河流而渡其妻隨止之不
及遂墮河水死於是援箜篌而鼓之作公
無渡河之曲聲甚悽愴曲終自投河而死
子高還以其聲語妻麗玉傷之乃引箜篌
而寫其聲聞者莫不墮淚飲泣焉

河之水深復深舟以濟猶難謹被髮之叟狂不可箴豈

無一壺水力難任與公同匡牀恨不挽公襟亂流而渡
直下千尋我泣眼為枯我哭聲為瘖投身以從公豈不
畏胥沉同歸尚可忍獨生亦難禁公死狂妄死心蛟龍
食骨有時盡惟有妾心無古今河之水深復深

團扇歌

晉王珉與嫂婢有情好嫂鞭撻過苦婢素
善歌而珉好持白團扇故云團扇復團扇
許持自遮面憔悴無復理羞與郎相見

私衣必見污葛屨必遭踐生世不為男托身況微賤悲
痛只在心憔悴更障面出入懷袖中羨郎白團扇

丁督護

宋高祖女夫徐達之為魯軌所殺高祖使
督護丁旰收殮之達之妻呼旰至閣下自
問歛送事每問輒歎息曰丁督護其聲哀
切後人因其聲廣而為歌焉

丁督護為我行去時馬上郎今作野外殤男兒肯斷頭

閨兒空斷腸
丁督護聽我語
欲從君臂不羽
嫁時所結髮
剪之隨君去
丁督護念我苦
未亡人殤鬼婦
古若無銜
冤乾坤無風雨

上陵

上陵漢章帝元和三年自作為上陵食舉
上古陵古陵無可上
苔雨綉澀草烟悽愴
鴟鴞號荒林
狐狸穴空壙
豐碑去梁何處津
聖周作竈誰家煬
不如東鄰一杯土
樵牧侵陵白官府

銅雀臺

魏武帝遺令嬖好美人皆著銅雀臺上施
八尺牀總帳日晡上酒脯月朝十五向帳
作伎汝等時時登臺望吾西陵墓田後人
悲其意而為之詠魏志云建安十五年太
祖作臺於鄴鑄銅為雀置于臺上因以名
焉

朝望西陵墓夕望西陵墓望望不復歸月朝又十五月

朝十五可奈何更對空幃作歌舞銅雀昂然飛不去當時美人髮垂素我生不如陵上樹年年樹根穿入土

法壽樂歌

古詩未始道佛事梁武帝即位後更造新聲帝自為之辭帝既篤敬佛法又制善哉天樂天勸天道仙道神王龍王滅過惡除愛水斷苦輪等十篇名為正樂皆述佛法又有法樂童子伎童子倚歌梵唄今所謂舍

利佛法壽樂歌皆所自出也

西雲垂天飛流黃寶鬘百萬隨風揚帝居摩醯首羅鄉
采女如花侍帝傍珠啼玉唾天花香淡然神情無世妝
下視邢尹紛醒狂梵唄琅琅出清吭天庖供饌薦豆觴
帝飲食之壽以康恒沙世界俱來王天王神聖臣忠良
春風萬里酣耕桑雨滴可數海可量無有能知法壽長
願梵天釋帝萬億歲歲壽杯天下醉

天下同文集卷四十四

欽定四庫全書

天下同文集卷四十五

元 周南瑞 編

詩

林慮山

許衡

我愛林慮山不處要路津
茲焉幾千古絕彼朝市塵
我來成素交淡淡日益親
形骸兩相忘誰主復誰賓
充然樂我饑怡然棲我神
朝光連暮色佳意含餘春
心境一融會世味殊未真
奕奕草木光熙熙禽鳥馴
衆物欣有

托吾廬行亦新詩書詠而歸況有耆德鄰

姚敬齋同遊黃華

我生愛林泉俗事常鞅掌十年苦煩劇一念愈傾仰峯
巒看畫圖雲烟入想像久成心上癖欲忍不可強荷有
敬齋公恒以善相長攜我遊黃華一洗塵慮爽行行嘆
奇絕舉目皆勝賞鏡臺聳百險瀑布落千丈石苔積重
痕溪風動幽響使我躁競息使我心志廣恍如夢中身
翱翔千古上回首聲利場誰能脫塵網我老得仁人動

作皆可象還家擬鄰居求田冀接壤便許樸鈍姿於此
靜中養

送竇清叔

初來識君面此行見君心匡時有長策慮遠憂且深俗
情取近效雅意入幽沉人生貴所依所依貴知音知音
得展布身將比黃金我本貧賤士多思委相尋未能辦
一飯胡為遽分襟征鴻出遠塞西風動疎林去去渺萬
里何年酒同斟含情望無極白雲障孤岑

歸興

歸興不可遏歸程待何時悠悠故鄉心一夕千里馳西
風動霄漢慘慘令人悲況我多病身天涯久棲遲交遊
義難忘豈忍輕別離重念丘隴遠嬌兒正愚癡因循死
異邑後世將何遺所願經營日及此未全衰樹桑牆以
下開畦水之湄既得舒困難且可為鎡基幼無孝弟稱
老無恩澤施惟有近先塋一死乃其宜諸君苦留連雅
意金蘭期我自無遐福形骸變焦痿生平尚求友得友

還差池中懷起愁歎欲別難為辭試問將吾廬何日當
西之緩急有擬議行止更無疑作詩叙懇款為報吾友
知

七月望日思親

思却千思與萬思音容無復見當時草牕夜靜燈前教
蔬圃春深膝下嬉將謂百年供色養豈期一日變生離太
山為礪終磨盡此恨絲絲未易衰

病中有感

十載天涯客寄身今年憔悴不堪論病來與死傳消息
老去無家遺子孫故里歡遊頻入夢春城凝眺獨消魂
如何藉我知音力五畝歸耕沁北村

別友人

永懷不得遂偃卧惜分陰沁北田園計山東故舊心

永州黃溪遇雪

宋 渤

黃溪永奇山近在百里內豐林與長壑峻峭蔽鬱蒼奈
何不遙迢乃敢中睚眦坐令清勝境橫遭蹂伐害我留

大冥川十日陰雪晦分卒搜洞穴徑造厲戈祓日暮效
醜馘山氓喜且拜啁啾語莫曉大要意稱快楚俗本悍
獷丑亂恃荒怪撫循誰失方惇獨化無賴山畚舊阡陌
畎澮八九廢春陽入渚澤土膏行可耒為語里長者農
事幸相戒努力為汝生使者知汝瘵

舟過浯溪

三年承乏湖外官再歲舟楫瀟湘灘大冥小冥十日雪
黃溪復訴羣盜盤澹巖竒絕永所最居且兩月不遂觀

舟經浯溪適津樣幸可弭節登巔岼元郎宅廢僧寺出
唐頌字剝石溜漫境清事勝欲久留日暮雨甚江流湍
鵲號鳴不畏人磔磔響振青林端昔賢誇稱臨賞地
此日草竊常餽餐湘中剽刦連越俗邇來比屋為傷殘
於乎安得二千石前以龔遂後劉寬時其飲食衣其寒

丙戌冬至衡陽食柑

衡陽冬猶溫長至似春日朝盤富筭蔬夜砌響蟋蟀白
酒如玉膏黃柑飽霜實更闌袂衣坐燈火不欲即三年

江之南光景去如失匆匆節序時無歲寧家室宗祏香火寒醴牢誰致潔三雛隔兩地不得遂顧恤勞生分有數敢但念安逸不虞與求全世或不可必官事未易了應止筋力率漳東二頃田亦粗給秔秫

衡陽村院得杖材寄容齋

放舟清湘波繫舟湘水曲落日紅霧生蔽映兩崖綠衲衣何處僧揖客看修竹攀緣入幽深松桂薦芬馥輕颺振裳衣餘韻久回復亭亭小梅花却立野人屋蕭然方

出林碧玉萬竿矗敢攀籜新龍請乞老板戲詩翁淡古
思與汝交不瀆往登讀書堂清修配佳菊

早起

顏奎

曙禽何喧喧早起身自健曾嗜曉枕涼更眠祇成倦道
路記風燈馳驅共村店自笑七尺軀可貴亦可賤

又

缺月留樹西簷虛涼風集夜來不聞雨庭露空翠濕菖
蒲水氣上一葉珠一滴幽蘭有憔悴古井手自汲

長林

雨瀟瀟風颯颯紫局閉青烟發濕雅投暝如破山驚起
林塘未收鴨光搖遠影誰氏樓日日換度人間愁倦客
西來老風雨明朝又過長林路

宿西溪

款段經行路暗知殘燈破屋又西溪清霜欲下雁初過
新月未高烏正啼氣到金莖天影濕峯垂紫蓋斗痕低
隔窻有客寒無寐說到更闌聞馬嘶

晚渡

家近歸可晚悠然待渡心
寺鐘繁樹盡漁火入江深
偶立生新感微吟極遠尋
柴門新月上種樹喜成陰

暮春同王靜得

土花滿徑行清曉芳草欲烟生
遠愁鳥愛綠陰吟細細
蝶追紅影去悠悠夜來葉底一番雨
春到江南第幾州
隔屋嶙峋青更好薰風萬籟化蒼蚪

和劉辰翁

如此別易久詩來知勝遊故園春又晚昨夜雨如秋雲
外有黃鶴人間無白鷗關山明去眼誰倚仲宣樓

晚望

悠悠天影下平蕪村落依微竹樹疎斷雁不知秋意老
西風獨在晚晴初一篷烟火漁歌起萬里雲帆客影孤
隔世有情歸暗合不逃摩詰畫成圖

自述

甘詠

總角希聞道殘生乃付詩未曾前輩識敢辱近人知飄

泊身餘健蕭閒鬢欲衰一簾書四壁寒日在清池

過南湖

忽有一事礙胸次擺脫不去呼酒來溟溟濛濛混沌在
坦坦蕩蕩虛空開精神一生留筆墨形骸昨夜為尊罍
年年看梅今白髮晴日江路行莓苔

與危見心同和完顏御史沂聯步踏月韻

明月送人歸明月照人宿月落夢醒時清霜壓寒屋

晚立黃洲

今度闌干倚蒼茫入暮天碧溪分市井華屋亂雲烟鐘
隔春來樹燈流夜去船惜哉題柱壯琴動鳳凰絃

小絕

一夜睡不著小牕天忽明林塘寒鳥聚聽得最初聲

陪完顏御史行金石臺分韻得丞字

勝景踰千載吾人得共登五峯交地勢一水合沙稜荆
國成何事浮丘無異能山頭有田父未必識中丞

歸來

謂我猶羈旅歸與已的然風霜高枕外江海小詩邊達
摩移華夏莊周侮聖賢向來知此事未敢棄子年

秋風詞

昨夜西風來人間雨如海山搖搖秋灑灑早起

闕

輪

老紅竟何在惟有殘雲漠漠弄涼態千林萬葉淅瀝作
聲豈無綠色奈何凋零四時更變化宋玉胡為愁直須
痛飲千斛酒亦不知有春亦不知有秋鴻濛適我汗漫
遊絕憐九辨大蕭索爭與蟲聲起籬落東溪子今夕呼

月當中天看我大醉西風前便令秋滿八千歲我醉依
然月下眠

天下同文集卷四十五

欽定四庫全書

天下同文集卷四十六

元 周南瑞 編

詩

步月

鄧光薦

皓月流華光微霄暖虛碧空庭四無人及此美

闕

夕霏

微弄香霧淡蕩舒玉色離離花影斜梢梢蘭露滴頽然
意忘倦欲起還自惜春情諒難得後夜空相憶

又

盈盈當春月含情隔幽櫺好懷不自制起坐可一庭娟
娟吐微雲迢迢映華星不寢步芳陰裴回惜娉娉百蟲
未敢怨卉木正葱青餘光散草露乃復似秋螢

曉逕

曉風吹衆綠中含露氣清振袂起行散逍遙覺身輕愛
彼薝蔔香淡然無世情依稀龐家女提籃映籬行雖無
膏沐意皓質玉雪明相看味禪悅何必話無生

暑夕

暑夕不能寐起坐林間亭齧鼠敗黑月流螢亂飛星星
河光淡泊不辨草樹青泥泥涼露下稍稍殘夢醒幽蟲
故兒女私語如相謦鄰鐘自何來迢迢入孤聽

夜聞風聲歸思浩然

西風響高樹鄉夢去帆前稚子衡門下先瑩亂葉邊老
來多一出歸去恰經年海燕巢何晚秋期落爾先

礮山

斜陽客如畫路轉叢薄間驚禽忽衝起似石投前山

午坐後亭

隔簾遲日午風微
社燕驚寒未肯歸
讀了丹經成默坐
時時一片杏花飛

望夫山

朝望夫暮望夫
一夕化作山石枯
潮水去却回行人來
不來

題節婦胡氏殺虎圖

楊學文

并州渤海縣兵籍劉平之妻胡氏與平同戍

棗陽夜宿沙河平為虎齧胡奮身掣虎足呼
稚子取寸刀剖虎腹平幸脫爪牙而一臂已
傷三日而斃徐大常作詩記實好事者圖之
以旌其義余賦長歌閔之

酸風動地天怒號黑雲撲面烏輪韜豺狼當道魑魅舞
弱肉強食隨其遭當時征戍寧辭苦倡隨誓與同生死
暮沙叢葦起咆哮居然肉血歸塵土呼天叫地投林去
夫君不有吾何懼英英義膽鬼神驚一刀兒手天為助

百靈呵斥虎自傾不然何能與虎爭當熊委身差可擬
射雉始笑何足倫紅牕綉線香風動蟠螭卧虎金麟鳳
此圖價可百倍高江梅不入梨花夢蛾眉巧倩肌凝雪
可能此婦孤衷烈百年義重一身輕茫茫宇宙悲豪英

梅花

朔風凍雲低雪意光林杪北枝寒無聲南枝香獨早縹
緲羽衣明的皜椒房小中有浩蕩春笑傲烟塵表美人
山店夜玉光破寒曉孤潔豈欲高羣芳自枯槁悠悠歲

寒心不為東風惱
乾坤萬壑冰一花已不老

月夜

明蟾破雨欲流冰
一碧涵空萬籟沉
和夢起來猶是蝶
滿襟花氣露痕深

觀郊禮

帝闕開嵯峨衣冠捧赭袍
金飈動龍旂玉露裛鸞鑣
禮樂出大國袞旒拜南郊
天儀瞻穆穆日彩見粦粦
占瓚分鉅鬯鳳凰來簫韶
於昭帝德廣陟配昊天高
乾健育

萬物離明位六爻堯風清海宇弓矢盡韃橐

送友人歸山中歌

青山兮欲歸不可得兮褰衣駕玄豹兮驂赤狸雲冥冥
兮風飛飛獨偃蹇兮世路寧容與兮溪湄泉涓涓兮石
齒君不歸兮何為

湘江曲

二妃淚灑湘竹斑湘江沉沉凝曉烟月照古祠江水邊
商船來往燒紙錢桂花滴露江雲寒竹間一聲啼斷猿

秋夜長

秋蟲嘖嘖寒莎底城頭秋月白如水二十五點秋夜長
點點滴斷離人腸萬里一身風露涼家家秋砧搥衣忙

山中

心多於世背獨未與詩忘得句忽自喜從人道我狂溪
光和月白露氣滿山涼自笑甘清苦年來髮已蒼

送海南僧

師住在南邊到鄉須隔年寺鄰天竺國鐘落海蠻船盡

日斷火食經冬坐夜禪銅瓶休取水恐攪毒龍眠

天下同文集卷四十六

欽定四庫全書

天下同文集卷四十七

元 周南瑞 編

詩

初秋夜坐

楊學李

清燈伴微吟煩暑猶蒸炊風聲如山雷怒落牕西籬砌
蛩泣藂莎老樹鳴高枝桂魄忽嬋娟夜氣侵涼締蓴羹

豈不懷未了

闕

載癡依依遊子情堂萱重馳思祇將冰

雪心或可慰母慈

闕

為家箴夫豈世俗知南來秋復

秋賸喜瓜及期娛親已可望須記思親時

西郊晚步

江城五月風雨餘嶺南地僻少馳驅政餘長日無與俱
尋幽步屨城西隅地平山遠迷綠蕪垂楊深處聞鷓鴣
縈紆小徑通浮屠松風夾道如笙竽清池冷浸秋水菰
如有露氣侵庭梧桃李院靜橫竹奴栩栩清夢遊冰壺
覺來殘照不可呼更待好月同歸途

望雲樓

樓在賀州治之東北紹興間太守黃尚賢所
建高壓城壘下瞰江山是為一郡之奇觀年
深頽圯大德癸卯余命工葺而新之獨以未
經前賢題咏為斯樓欠事暇日輒一登臨為
之神怡心曠因成十二韻以紀其勝

樓前山色青如鬟樓高夜映星斗寒推牕縱目納吟思
倚檻爽氣生眉端荒烟宿靄迷野甸古岸怪石橫驚湍
城孤下瞰天蘸碧日永坐聽風鳴鑾登臨獨慨城郭是

把酒一酌還三嘆雖未如元龍高卧之百尺已不減庾
公步月之遊觀又何須黃鶴霄漢之浩浩亦可想岳陽
烟水之瀰漫歸然獨立賀江滸已矣樓中沸歌舞勝景
無詩亦可羞謾自簷楹庇風雨望中人遠迹生塵祇有
江流自今古

感遇

譚楚翁

越客拊絲桐元音合韶武挾以遊燕趙又以適齊魯國
中習笙簧相倩侑謳舞懸之價千金賢庶不一睹飄零

萬里道聲形浣塵土歲深弦柱裂腕爪弗堪鼓萋萋
復歸誰睠往來苦尚想有田連持存欲易譜

又

素無玄豹姿雄期與心違霜風不解事偏透遊子衣葉
落知天寒羣雁亦南歸澗湖蘊藻沕汨汨魚無依朝來
烹射雁偶獲故鄉書書中一一言鄰非昔人居

又

秋深林木變年邁容髮改雲南聽夜雨酸風寒鐵鎧
悵

惛餽餉人羈留生凍餒茅閣與綺羅倚門日長待誰歌
東山詩以潰此疽癰

又

喧喧林雀散哀哀鴻雁離愁雲翳薄日慘慘添傷悲行
行行復止邊塞相綏綏壯夫心鬱結深閨淚暗垂茫茫
辰沅道漠漠雲南岬夜月照營壘千里同相思願言嘉
靖時暮秋以為期

又

幽居昔嵒窳時日如轉丸
況乃金天夕蕭瑟響琅玕
獨宿夜為長蒼吟穴垝垣
攬衣出中庭明月可與言
織女不秉機兔絲滿故園
燕麥若堪食難與蔓草蕃
濟會亮能固人情無寒暄

宿浮丘

停驂逸鞦轡夕爨乞石火
仙人浮丘翁詒誚事大夥
行止信不訾出處諒非我
片楮可市酒聊醉覺慵惰
高眠茅店月絕慮夢無禍

過湘江

烈風動原野花柳奄離披
天吳增憤怒蕩滴無寧期
匈匈黃帽卽怵怵心傷悲
輕舟欲宵遁遠此湘之湄
津隘禁令嚴去去懷驚疑
餉餽亦良苦軍士怒調饑
于以賦祈父憂恤悔何追
于以歌鴻雁嗷嗷水中坻

常德府

劉一飛

南渡潛龍府嘉名記止戈
地休秦洞稅人慣鼎州歌
夜月丹砂井秋風玉帶河
春申珠履迹遊客至今多

招屈亭

德山
新城

勝地幾千載，凭高豁醉眸。
沙寒枉渚月，樹老德山秋。
遺恨從天問，孤忠寄遠遊。
荒祠重回首，又聽竹枝愁。

蟲歎

促織鳴，懶婦驚心驚不為。
寒良人役苦辛，安得化作萬
機杼，為辦上供婦應喜。

熠熠丹良照夜光，柝禁分有嚴宵行。
兮何忙昏昏自照，欲何去莫向灞陵逢醉尉。

鳳子車棚栩栩飛人生夢是邪非忽忽相遇知為誰唐宮
金粉已流落閒逐兒女張羅衣

花下獨酌

兒時手種植感此歲月深歲月不復返但見高高林
然枝上花旦暮成古今所以溪山客翛然脫塵襟花自
為我舞鳥自為我吟有時倦復坐酒醒時更斟一笑開
落中靜見天地心

重遊

石如人立對斜暉偶共閒僧此息機止水無風看月度
高山有鶴伴雲歸詩留去後桃千樹人到重來柳十圍
燈影長明青一點靈光還是昔時非

偶題

小桃別後到茶蘼瘦損春容費盡詩燕子不來消息斷
東風獨自倚欄時

雁過

人立西風慘淡餘荻花搖曳晚晴初雁聲不向樓前落

又是一番無寄書

天下同文集卷四十七

欽定四庫全書

天下同文集卷四十八

元 周南瑞 編

詞

六州歌頭

盧摯

題萬里江山圖

詩成雪嶺畫裏見岷峨浮錦水歷滌潏滅陂陀匯江沱
喚醒高唐殘夢動竒思聞巴唱觀楚舞邀宋玉訪巫娥
擬賦招魂九辨空目斷雲樹烟蘿渺湘靈不見木落洞

庭波撫卷長哦重摩娑 問南樓月癡老子興不淺夜
如何千載後多少恨付漁蓑醉時歌日暮天門遠愁欲
滴兩青螺曾一舸奇絕處半經過萬古金焦偉觀鯨鼇
背儘意婆娑更乘槎欲就織女看飛梭直到銀河

梅花引

和趙平遠催梅

綠華縹緲玉無痕托清塵擬招魂效著籃輿懶倦到前
邨笑撫高齋新樹子晚粧未悠悠學夢雲 竟日含

情何所似似佳人望夫君寒香細月空江上會有春溫
羞澀冰蕤寂寞掩重門交下橫枝消息動肯虛負風流
竹外尊

蝶戀花

翻江舟夜有懷餘干諸士兼寄熊東采甫

越水涵秋光似鏡泛我扁舟照我綸巾影野鶴閒雲
知此興無人說與沙鷗省回首天涯江路永遠樹
孤村數點青山暝夢過煮茶巖下聽石泉鳴咽松

風冷

菩薩蠻

寄江西米理問信父

市橋烟柳春如畫
小樓明月吳山下
把酒聽君歌可人
良夜何舊遊
新夢斷月落西江遠
江上數峯青
寄聲徐孺亭

清平樂

送張都事子敬秩滿北歸

朱絃三歎寶瑟凝塵滿更奈芙蓉秋思晚湘浦離歌欲
斷往年樽俎風流憶君送客江樓此日江樓送客忘
懷賴有沙鷗

清平樂

行郡歛城寒食日傷逝有作

年時寒食直到清明日草草杯盤聊自適不管家徒四
壁今年寒食無家東風恨滿天涯早是海棠睡去莫
教醉了梨花

清平樂

歙郡清明

海棠凝絕忙甚都開徹不是蕪菁花上蝶誰為清明作
節溪山今日無塵繡衣却待禁春莫遣鳴騶多事
老夫也是遊人

天下同文集卷四十八

欽定四庫全書

天下同文集卷四十九

元 周南瑞 編

詞

摸魚兒

姚雲

詠艮岳圖

渺人間蓬萊何許一朝飛入梁苑輞川梯洞層崖出帶
取鬼愁龍怨窮賞宴談笑裏金風吹折桃花扇翠華天
遠悵莎沼螢粘錦屏烟合草露泣蒼蘚東華夢好在

牙檣雕輦畫圖歷歷曾見落紅萬點孤臣淚斜日牛羊
春晚摩雙眼看塵世鼇宮又報鯨波淺吟鞭拍斷便乞
與媧皇化成精衛填不盡遺憾

八聲甘州

競渡

卷絲絲雨織半晴天櫂歌發清舫甚蒼虬怒躍靈鼉急
吼雪湧平川樓外榴裙幾點描破綠楊烟把畫羅遙指
助嘯爭先 憔悴潘郎曾記得青龍千舸采石磯邊嘆

內家帖子閒却縷金牋覺素標插頭如許儘風情終不
似鬪羸船人聲斷虛齋半揜月印枯禪

疎影

王夢應

曹騰曉被聽垂冰屋角晴哢仍未土濕烟生庭揜寒青
郭泥懶為春試東風舊與花飛去料記得年年沙際忍
落梅萬點苔痕化作一牕離思 猶憶薦紅穉綠斷橋
雪未掃天近春易老對荒寒事舊人新雁後不成情味
人間解有花如海待一片不教隨水但玉香酥影玲瓏

逐日暖紅雲裏

醉太平

送人入湘

寒窻月晴寒梢露明一痕歸影燈青又分攜短亭
衡
臯佩雲芷溪泛春有誰勤說歸程是峰頭雁聲

清平樂

顏奎

欲留君住且待晴時去夜深水鸛雲間語明日棠梨花
雨
樽前不盡餘情都上鳴絲細聲二十四番風後綠

陰芳草長亭

歸國謠

春闕
拂拂簷花雙燕入少年湖上風日問天何處覓
湖山畫屏晴碧夢華知夙昔東風忘了前跡上青蕪半
壁

浣溪沙

夢泊遊絲畫影移水沉香宛紫烟微玉笙纔過小樓西
天上人間花事苦鏡中翠壓四山低又成春過劇鶯

啼

菩薩蠻

燕姬越女初相見
鬢雲翻覆隨風轉
日日轉如雲
朝朝白髮新
江南古佳麗
只綰年時髻
信手綰將成
從來懶學人

醉太平

壽須溪

茶邊水經琴邊鶴
經小牕明甲子
初晴報梅花早春

小院晉人小車洛神醉扶兒子門生指黃河解清

憶秦娥

水雲幽冥濛一片生新愁生新愁如今何處倚月明樓
龍吟杳杳天悠悠騰蛟起鳳鳴篴篴鳴篴篴聽彈
短引江上悲秋

大酺

和須溪春寒

唱古茶蘼新荷葉誰向重簾深處東風三十六向園林

都過餘寒猶妬公子狐裘佳人翠袖怎見此時情否天
上知音杳怪參差律呂世間多悞記畫扇題詩單衣試
酒夢歸泥絮嗟春如逆旅送歸路遠涉前無渡回首
住凌波亭館待月樓臺滿身花氣凝香霧度入南薰去
留燕伴不教遲暮但一點芳心苦生怕搖落分付荷房
收貯晚妝又隨過雨

天下同文集卷四十九

欽定四庫全書

天下同文集卷五十

元 周南瑞 編

詞

金人捧露盤

羅志仁

丙戌過錢塘

濕苔青妖血碧壞垣紅怕精靈來往相逢荒烟瓦礫寶
釵零亂隱鸞龍吳峯越巘翠顰鎖若為誰容浮屠換
朝陽殿僧磬改景陽鐘興亡事淚老金銅驪山廢盡更

欽定四庫全書

天下同文集
卷五十

無宮女說玄宗海濤落月角聲起滿眼秋風

霓裳中序

四聖觀

來鴻又去燕看罷江潮收畫扇湖曲雕闌倚倦正船過
西陵快篙如箭凌波不見但陌花遺曲淒怨孤山路晚
蒲病柳澹綠鎖幽院離恨五雲宮殿記舊日曾遊翠
輦青紅如寫便面下鵲池荒放鶴人遠粉牆隨岸轉漏
碧瓦殘陽一線蓬萊夢人間那信坐看海濤淺

揚州慢

危榭摧紅斷磚埋綠定王臺下園林聽檣竿燕子訴別
後驚心儘江上青峰好在可憐曾是野燒痕深付瀟湘
漁笛吹殘今古銷沉 妙奴不見縱秦郎誰更知音正
雁妾悲歌鵬奚醉舞繡戶停砧花碧舊愁何處魂歸些
晚日陰陰渺雲平鐵嶺淒涼天也沾襟

齊天樂

詹玉

贈童甕天兵後歸杭

欽定四庫全書

天下同文集
卷五十

相逢喚醒京華夢吳塵暗斑吟髮倚檐評花認旗沽酒
歷歷行歌竒迹吹香弄碧有坡柳風情逋梅月色畫鼓
紅船滿湖春水斷橋客當年何限俊侶甚花天月地
人被雲隔却載蒼烟更招白鷺一醉西門又別今回記
得再折柳穿魚賞花催雪如此湖山忍教人更說

桂枝香

紫極宮寫韻軒

紫薇花露飄灑作涼雲點宮勾羽字字飛仙下筆一簾

風雨江亭月觀今如許有飄零墨香千古夕陽芳草落花流水依然南浦甚兩兩凌風駕虎凭天孫標致月娥眉嫵一笑生春不比世間兒女筆牀硯滴曾窺處有西山青眼如故翠箋寄與玉簫吹徹鳳吟鸞舞

木蘭花慢

李琳

汴京

藥珠仙馭遠橫羽葆簇霓旌甚鸞月流輝鳳雲布彩翠逶迤瀛舞衣怯環珮冷問梨園幾度沸歌聲夢裏芝田


八駿禁中花漏三更繁華一瞬化飛塵輦路却灰平
悵碧滅烟綃紅凋露粉寂寞秋城興亡事空陳迹祇青
山淡淡夕陽明懶向沙鷗說得柳風吹上旗亭

六么令

京中清明

淡烟疎雨香逕渺鷓鴣新晴畫簾閒卷燕外寒猶力依
約天涯芳草染得春風碧人間陳迹斜陽今古幾縷遊
絲趁飛蝶誰向尊前起舞舞人覺春如客翠袖折取萼

紅笑與簪華髮回首青山一點檐外寒雲疊梨花著雨
柳花飛絮夢遶闌干滿園雪



天下同文集卷五十